

პირველი ქალი ღრამატურგი პარპარე ჯორჯაძე

(1833-1895)

მარა კიბეძე

ხელს უწყობდა მას კარგი განათლების მიღებაში. ბარბარეს აღზრდაში გარე-ვეული წვლილი მის აღმზრდელს და-ლივარისას მიუძღვის, რომელიც ბავშვს ზღაპრებს, ლეგენდებს, წმინდა მამების ცხოვრებას უკითხებდა. ასწავლიდა ლო-ცას. ბ. ჯორჯაძე იღონებს: „უწინდელ ღრაში თავადაზნაურობას საძნელოდ თურმე მიაჩნდა ქალის სასწავლებლად პანციონში მიცემა და ოჯახშივე ასწავ-ლიდნენ საღმრთო-საერთო წიგნებს“.⁵

ბარბარე ჯორჯაძე ჭერ კიდევ ბავშვი იყო, როცა გაათხოვეს. 12 წლის ასაკში ძალშე რთული ცხოვრება დაეფისრა. იგი თავის მეუღლითა და სამი შეილით სოფ. გრემში ცხოვრობდა. გრემის ნან-გრევებმა, საქართველოს ისტორიის წა-სულმა მწერალი ქალის შემოქმედე-ბაზე დიდი გავლენა იქონია (მან ლექ-სიც დაწერა „ნაქალაქევი“). ივ. კერე-სელიძე - სიამოვნებით იღონებს იმ პე-რიოდს, როცა მას ბ. ჯორჯაძე გრემში მასპინძლობდა და „რაც ამ შესანიშ-ნავი საგანი იყო ყველაფერი მაჩვენა“.⁶

ბ. ჯორჯაძეს რამდენჯერმე უნახავს კახეთის აოხრება, თეოთხნაც არაერთ-ხელ ვაღაურჩა სიკვდილს. ერთხელ სა-ხლიდან ხატები ვითარა გადასარჩენად

და „როდესაც მოვბრუნდი შინ და ვნა-ხე ჩემი სახლი დამწვარი და საცხოვრე-ბელი შემილის გარისაგან გაზიდული, წარმოიდგინეთ რა რიგად შევწუხდე-ბოდი და როგორ შევიწროებულს მდგო-მარებას მივეცემოდი“.⁷ შემილთა და-რბევის ამბავი მას იღწერილი აქვს თა-ვის ნაწარმოებებში, საღაც ისტორიულ ფაქტებზე დაყრდნობით მოგვითხრობს ნანახსა და-განცდილს.

ბ. ჯორჯაძის ოჯახმა ბევრი გაჭირვება გადაიტანა. ქონების ნაწილი „პრივაზ-ში“ დააგირავა და ბოლოს მამულებიც დაკარგა. ეკონომიკური მდგომარეობის გაუმჯობესების მიზნით მისი მეუღლე, სამხედრო პირი ზაქარია ჯორჯაძე სამუ-შაოდ დალიოდა სხვადასხვა ქალაქში.

ბ. ჯორჯაძეს გაჭირვებამ აიძულა - სო-ფელი მიეტოვებინა და თავის ქმართან ერთად მოხეტიალე ცხოვრება დაწყო. იგი ერთხანს ლენქორანში ცხოვრობდა. მწერალს ძალან უკირდა სამშობლოს-თან განშორება. ლექსში „ლენქორანი“ სევდამორეული პოეტი იხსენებს თავი-სი ქვეყნის წარსულს, ტრაგიკულ ის-ტორიას. ბ. ჯორჯაძის გუნება-განწყო-ბას გადმოგვცემს მარიამ დემურია თა-ვის „მოვონებაში“: „საცოდავს არ უყ-



ვარდა თათრების ქვეყანა და სულ იმას ნატრობდა, მოქროთო, ჩემი ძელები აქ არ დამატოვებინოთ. აյი ასრულდა კიდეც სურვილი ამ სიმაგრითოთ ნამდვილის ქართველ ქალისა და თავის საყვარელ საშობლოში ოღირულდა".⁸

ივი 1895 წელს ლენქორანში ვაჟთან მიმავალი, გზაში, ცივგომბორის ახლოს გარდაიცვალა. სიკვდილის შინ წარმოსთქვა: „ცა ფირუზ, ხმელეთ ზურმუხტოო“ და სული განუტევა. დასაფლავებულია თელავში თავისი ძმის რაფიელ ერისთავის გვერდით.

ბარბარე ჭორგაძეს არაერთმა ქართველმა მოლვაშვემ, მათ შორის ეფემია ანდრონიკაშვილმა, ივ. კერქელიძემ, გიორგი თუმანიშვილმა და სხვებმა მიუძღვნა ლექსი თუ წერილი. განსაკუთრებით აღსანიშვილი აკაკის წერილი „რამდენიმე სიტყვა კნ. ბარბარე ჭორგაძისა“, სადაც აკაკი ლისსულ დედაკაცთა გუნდში ბ. ჭორგაძეს განსაკუთრებით მოიხსენიებს (აკაკის ამ სტატიის გამო ბეთანელმა დაწერა წერილი „პოეტური გაკენწვლა“, სადაც გაკრიტიკებულია აღნიშნული წერილი და ბ. ჭორგაძის შემოქმედება).⁹

ბ. ჭორგაძის გარდაცვალებას გამოეხმაურა იმდროინდელი ქურნალ-გაზეთები. ერთგან ვკითხულობთ: „ენ. ბარბარე ჭორგაძისა ცნობილი მწერალი ქალი იყო და ნამდვილი წმინდა ქართული ენა ყველა მის ნაწერებში გამოსჭიონდა“.¹⁰ ზოგი იწონებდა მწერალი ქალის ენას, ზოგი კი მას სასტიკად აკრიტიკებდა.

ბარბარე ჭორგაძე მე-19 საუკუნის 60-იან წლებში ენის საკითხის ირგვლივ ამტყდარი კამათის ერთ-ერთი აქტიური მონაწილეა. მასში გამოძახილი პერვა მამათა და შეილთა ბრძოლამ. მას მამათა მხარე ეჭირა. როგორც ცნობილია ამ ბრძოლაში დიდი როლი ითამაშა ილიას წერილმა „კოზლოვის შეშლილის“ თარგმანზედ, რომელიც დაიბეჭდა ურნ. „ცისკარში“. ილია და ახალი თაობა აქტიურად იბრძოდა ახალი სალიტერატურო ენის დამკვიდრებისათვის. მას არ აქმაყოფილებდა ანტონ კათალი-

კოსის აჩქაული ენა „რომელმაც უხშესა სალიტერატური ქართული გზის გადასტურებული ენა იყო ხელოვნური, რომელსაც მთავარ წყაროდ ჰქონდა სასულიერო ლიტერატურა, რიტორიკა და პათეტიკა სასულიერო ქადაგებისა“.¹¹

ილიას წერილმა დიდი აღშფოთება გამოიწვია ძეველი თაობის მოლვაშვეთა შორის. განსაკუთრებული აქტიურობით კი ბ. ჭორგაძე გამოიჩინა. „ცისკარის“ ფურცლებზე გამოაქვეყნა წერილები სათაურით „თ. ილია ვავკავაძის კრიტიკაზედ“ და „პასუხის პასუხი“. ბ. ჭორგაძე ეკამათება რა ილიას, უწუნებს ხელოვნებისა და ენის თეორეტიკის არცოდნას. მიუხედავად იმისა, რომ მწერალი ქალი ენის საკითხში ძველი კატეგორიების დამცველად გველინება, მან თავის დრამატურგიაში ხალხური სტილი აიჩინა. როგორც ჩინს, პიესის წერის დროს მწერალმა მაყურებელთან საუბრის ენად უბრალო მეტყველების გამოყენება აუცილებლად მიიჩნია. ასე რომ არ ყოფილიყო, მისი პიესები ვერ შეძლებონ ქართული თეატრის რეპერტუარში დამცვიდრებას.

ბარბარე ჭორგაძის დრამატურგიულ მოღვაწეობა ემთხვევა ქართული თეატრის მძიმე პერიოდს. გ. ერისთავის თეატრის დაშლის შემდეგ ქართულ წარმოდგენებს სისტემატიური ხასიათი არ ჰქონდა. შემთხვევით გამართულ წარმოდგენებზე კი „ქართველი ხალხი დადიოდა თეატრში და ტაშს უკავდა მხოლოდ იმიტომ, რომ ქართული წარმოდგენა იყო“.¹² გან. „დროება“ წერდა: „ეხლა ქართული სცენისმოყვარელების წარმოდგენებს თავი უნდა დავინებოთ და მუდმივი ტრუპის შედგენას შეეუდგით“.¹³ ეს არის მუდმივი სცენისათვის საზოგადოებრივი აზრის შემთხვების პროცესი. მუდმივ დასამდეგ გარდამავილი პერიოდი კი ნიკო ავალიშვილის სცენისმოყვარეთა წრე იყო.

ილიას, აკაკის, დიმიტრი ყიფიანისა და სხვათა თაოსნობით 1879 წელს 1 სექტემბერს მუდმივმა დასმა სეზონი გახსნა ბ. ჭორგაძის პიესით „რას ეეძებდი



და რა ვიძოვე“, და რ. ერისთავის გადმოკეთებული ვოლევილით „იშვიანი“. ეს ძალზეც მნიშვნელოვანი თარიღი ქართული თეატრის ისტორიაში დაკავშირებულია ბ. ჭორჯაძის სახელთან.

ამრიგად, ქართული პროფესიული თეატრის ისტორიის მეორე ეპოქაც კომედიური ეანრის პიესით დაიწყო. ჩანს, იმდენად ძლიერი იყო გორგი ერისთავის სკოლის გავლენა, ისე ადვილად იჯულებდა გზას კომედია მაყურებლისაკენ, რომ თეატრები მას დიდი ხალისით დგამდნენ. გ. ერისთავის თეატრისაგან განსხვავდით, ამჯერად უკვე სცენაზე იყვნენ კომედიური ეანრის პროფესიონალი მსახიობები.

ბარბარე ჭორჯაძე ავტორია პიესებისა: კომედიები — „რას ვეძებდი და რა ვიძოვე“, „მყითხავი“, ვოლევილი — „სარკიო მოტუუება“, დრამა — „შურია და ისტორიული დრამა — „მშვენიერი ქველა“.

პიესა „რას ვეძებდი და რა ვიძოვე“ დაიბეჭდა 1865 წელს ეურნ. „ცისკარში“, სადაც ბ. ჭორჯაძემ პირველად აიღვა ფეხი, როგორც მწერალმა. კომედიაში გადმოცემულია თავად სიმირიძის უზნერ ხასიათი და ცხოვრება. თავადი იულონი ფულის შოგნის მიზნით არაფეხს ერთდება და მდიდარი სომხის მანიჯ ქვრივს თხოულობს, მაგრამ ქვრივი ქალი უარს უუბნება ქონების გაყოფაზე. თავადი იულონი გაცუცურავებული და მოტუუებული რჩება. ავტორი სატირული სიმძაფრით დასცინის იულონის მოქმედებას, მაგრამ ეს არ არის ერთი პიროვნების მხილება. ეს უფრო ზოგადი პრობლემაა მთავარი. ეს არის თავად-აზნაურთა სულიერი დაცემისა და გადაგვარების საკითხი. თავადის ჩატულობაც კი მხილებულია და მეაცრი ქრიტიკის ობიექტით.

„დაგლევილი ჩერქესია და ჩითის ახალუხი“ კი გვარიანად ამცირებს თავადიშვილის ლიტებებს. იულონ „ბედის საძებნელად“ ქალაქს მიემგზავრება. სურს ახალი ტანისამოსის შეკერვა. იმდედი აქვა, რომ როცა დროშეკით არვლის და ჩაივლის, ვაჭრები დაინახვენ

და გაიგებენ ქერივი ყოფილაო, „დაშვიცელუად ში ხუთი მოცემული მომიგა, ჩემი ქალი მართვისა... ეგებას ერთი მზითვიანი ქალი ვიშვოვნი“.¹⁴ ასეთია იულონის ზეობრივი სახე. იულონი, რომელიც წლების მანძილზე უსაქმრიდ სხვისი ნაშრომით ცხოვრობდა, გასაჭირიდან ისევ იოლ გამოსავალს ედებს. „ქალის შოვნით“ სურს ეკონომიკური მდგომარეობის გაუმჯობესება. მწერალი დასცინის რა თვისი პერსონაჟს, ბოლომდე დასალუპად მაინც ვერ იმეტებს და პიესის ფინანში იულონის დაკარგული ცოლის გამოჩენასა და რუსეთში წასული ვაჟის გამდიდრების ამბავს გვაუწყებს.

მაგრამ პიესის ფინანი მხატვრული ლოგიკიდან არ გამომდინარეობს და ამდენად ხელოვნურია. მწერალი მაინც იმდენიანად უყურებს თავად-აზნაურთა მომავალს, მისი მძაფრი კრიტიკაც ნაკლის გამოსწორების იმედით არის შთაგნებული.

ქართველი თავადების პარალელურად ავტორს პიესაში ნაჩენები აქვს სომები ვაჭრების სოციალური მდგომარეობა. ამ პერიოდის მწერალთათვის თბილისელ სომები ვაჭართა თემა ერთერთი გავრცელებული თემა იყო. მასზე წერდნენ დ. ერისთავი, ავქს. ცაგარელი, ზ. ანტონოვი, გ. სუნდუკიანი და სხვები. მათი პიესების პერსონაჟები — სომები ვაჭრები ცდილობდნენ ქართველ თავადიშვილებთან დამოკვრებას, რათა საზოგადოებაში თავიანთი მდგომარეობა აემაღლებინათ (მაგ. გ. ერისთავის „გაყრაში“ მიირტყმას არ მოსწონს თავისი წოდებრივი მდგომარეობა და დაუკინებით მიისწაფის თავად დიდებულიძის ოჯახს დაუმოკვრდეს და თავადი ტრადოვი გახდეს).

ბ. ჭორჯაძის პიესაშიც სომხის ქვრივი ოსანა მესანთლოვა ოცნებობს თავადის ცოლობაზე. მართალია მახინჯია, მაგრამ მდიდარია და შეიძლება „ქარგადაც გასაღდეს“, კნეინაც გახდეს. პიესის ამგვარი სიუჟეტი ძალზედ ჰგავს ზ. ანტონოვის კომედიას „მე მინდა კნეინა გაეხდე“, სადაც სომხის ქვრივი ბარბარეს სურს ცოლად გაპყვეს ქართველ თა-

ვადს, იმ მიზნით, რომ კნეინა გახდეს. ამგვარი სიუჟეტი ცხოვრების ხასიათის შედეგად არის წარმოქმნილი. ოსანა, მესანთლოვის ნუგეში, ისევე როგორც სხვა გაუთხოვარი ქალებისა — მაჭანკალია, რომელიც სოფელ-სოფელ და-იარება სარეკანი საქმის მოსაქვარაბჭი-ნებლად. ხშირად შეურაცხყოფასაც იტანს და პირში ჩალაგამოვლებული რჩება. ცბიერი, მოხერხებული მაქთალა ასტატურად ატყუებს თავად იულონს. ჯერ ლამაზ ქალს უჩევენებს, შემდეგ გონის შეაჩერებს ხელში.

მაჭანკალ მაქთალს სახე ავქს. ცაგარელის ხანუმის წინამორბედია, ხოლო თვით ტიპი დროის კანიბით არის შექმნილი. სცენაზე კი მაჭანკლის გამოჩენას, როგორც წესი, თან სდევს იუმორი, სიცილი, ოხუნვობა. მაჭანკლის სახე ეფექტურია სცენისათვის და მასხიობი-სათვის მომგებიანი როლია.

ბ. ჯორჯაძე თავისი პიესებისთვის მასალას იმავე წყაროებიდან იღებდა, საიდანაც გ. ერისთავი, ზ. ანტონოვი, ავქს. ცაგარელი. ისინი ვინც გვხდებინ ჯორჯაძის დრამატურგიაში (გლეხები, კართველი თვალები, სომეხი ვაჭრები) ბევრჯერ შეკვედრივართ ერისთავის, ანტონოვის, ცაგარელის პიესებში. ამიტომ შემთხვევითი არ არის, რომ მათი პერსონაჟები ჰქვანან ერთმანეთს. ვ. გუნია წერდა: „ბ. ჯორჯაძის კომედიაში მაჭანკალი მაქთალა ძლიერ წააგვის აქ. ცაგარელის ხანუმს. ასე რომ ზოგს ლვიძლი დები ჰქონია. ალაგ-ალაგ რომ დავაკვირდეთ, ფრაზებიც, სიტყვებიც და ტირადებიც კი გვანან ერთმანეთს“.¹⁵

კომედია „რას ვეძებდი და რა ვიპოვე“ ხშირად იღგმებოდა ქართულ თეატრში. ეს პიესა პირველ რიგში იმ მხრივ არის საინტერესო, რომ მან დასაბამი მისცა ახალ პროფესიულ თეატრს. ხოლო ბარბარე ჯორჯაძემ, როგორც დრამატურგმა არსებითად ამ პიესით გაითქვა სახელი.

1879 წლის 1 სექტემბრის წარმოდგენაზე ს. მესხი გას. „დროებაში“ წერდა: „პირველად ქართულმა სამუდამო ტრუპამ გახსნა წელს წარმოდგენების

სეზონი და სიამოვნებით ვაცხადდებოდა რომ კარგად გახსნა... ეს იყო პირველი დებიუტი იხლად შემდგარი ტრუპისა, როგორც ტრუპისა და ჩენენ თამაზიდ შეგვიძლია ესთვეათ, რომ ამ ტრუპას შეუძლიან თამაში, უფრო სერიოზული პიესებისაც!“¹⁶ წერილიდან ირკვევა, რომ „მუდმივი“ დასი ცხრა კაცისაგან შედგებოდა და მხოლოდ ექვსი იყო პირველ წარმოდგენაში დაყავებული. მსახიობებმა ისე ითამაშეს, რომ „ტრუპა არცერთს არ შეურცვენია“. კ. მესხი რეცენზიაში გამოკყოფს ვასო აბაშიძისა და ნატო გაბუნიას თამაშს: „მე არ მინახავს, რომ ჩენენს სცენაზე სხვა ვისმე წარმოედგინოს ისე ხელოვნურიდ სირაჭის ანუ საზოგადოდ წვრილი სომხის კინტოს ვაჭრის როლი, როგორც უფრო აბაშიძემ წარმოადგინა“. ნატო გაბუნია სპექტაკლში მაჭანკლის როლს ანსახიერებდა „დასტატურებული ამ მბრუაში“. ს. მესხი ასევე აქებს პიესას და თვლის, რომ „მშვენიერი ენითა და შინაარსით დაწერილი ეს პიესა სცენის მხრითაც ის არც ერთ ჩენენ გ. ერისთავის დროიდელ პიესებს არ ჩამოუგარდება უკან და ზოგიერთს მათგან ბევრითაც სჭიბიან“. თუმცა ზოგიერთებში რომელ პიესებს გულისხმობს ავტორი გაუგებარია.

ამავე წლის მომდევნო ნომრებში გას. „დროება“ ყურადღებას უთმობს აღნიშნულ სპექტაკლს სათაურით „ქართული თეატრი“. რეცენზენტი აქებს ავტორს და დასძენს: „ქნ. ჯორჯაძის კომედია ერთ საუკეთესო ორიგინალურ კომედიათ უნდა ჩითვალოს ჩენეს ლიტერატურაში!“¹⁷ თუმცა რეცენზენტი არ გამოთვევს აღფრთოვანებას პიესის შინაარსის გამო, მაგრამ მაინც აღნიშნავს, რომ მიუხედავდა ამ შინაარსისა, ბ. ჯორჯაძის ნიშის „აქედან ჩინებული სასცენო მშვენიერის ენით დაწერილი კომედია გამოიყევანია!“¹⁸

ეს პიესა არამდენჯერმე იქნა წარმოდგენილი სხვადასხვა წელს. 1880 წლის დაღგმის კვლავ გამოიხმაურა გაზეთი „დროება“.¹⁹ რეცენზენტი აღფრთოვანებულია მხოლოდ ვასო აბაშიძისა და

ნ. გაბუნის თამაშით, დანარჩენი მსახიობები კი „ბევრით ვერაფრით გამოიჩინეოდნენ“... „პიესაც არ იყო უხეორო“ — ასკვნის ავტორი. თუმცა ყოველთვის როდი აქებდნენ პიესის ავტორს. გაზეთ „ივერიის“ ფურცელზე დაბეჭდილ სტატიაში რეცენზენტი თხოვნით მიმართავს თეატრის გამგეობას, რომ „იშვიათად შეაწუხონ ხოლმე ეს პიესა“. ამ წარმოდგენის წარმატებას კი რეცენზენტი მთლიანად მსახიობთა შესრულებას უმაღლის, რადგან ვ. აბაშიძე და ნ. გაბუნის „უმარილო პიესასაც ისე გამოაქეთებენ, ისე მარილიანად ითამაშებენ, რომ ერთბაშად სიამოვნებას მოჰქონდნენ მთელს თეატრს“... „ვასო აბაშიძემ კი თავისი თამაშით ავტორსაც გაუსწორო და სწორედ ამით დიდად დაავალი კიდეც ავტორს, თორემ არც ჩავა იქნებოდა და არც ფლავი“.²¹

დამოწმებული რეცენზიებიდან რამდენიმე მნიშვნელოვანი დასკვნის გმოტანა შეიძლება: 1. ბ. ჯორჯაძე დრამატურგიაში გაემიჯნა თავის ქველ არქაულ ქართულს. მოწონებულია მისი ენა. ამ დროს, როცა ქართული ენის შენახვა თეატრის ერთ-ერთი უპირველესი მისია იყო; ამ ისტორიულ პროცესში თავისი ღირსეული წვლილი შექმნდა ბ. ჯორჯაძის პიესებს. 2. ნ. გაბუნის მაჭანკალი იყო, როგორც ერთგვარი წინამორბედი საფეხური ხანუმის სახის შესაქმნელად. 3. იმდენად ამაღლდა სამსახიობო ხელოვნება, რომ აქვეღება მხატვრული სახის ინტერპრეტაციის პრობლემა.

ბ. ჯორჯაძის, როგორც დრამატურგის დებიუტი შედგა პიესაში „შური“, რომელიც გამოაქვეყნა ურნ. „ცისკარში“. პიესის სიუჟეტი მოკლედ ასეთია: თავადი ვახტანგ ზარიბეგი, რომელმაც მამისგან მეკვეიდრეობით მიიღო ქონება, ბეღნიერად ცხოვრობს თავის ქალიშვილ სოფიისთან ერთად. მათ სახლში იზრდება უპატრიონი სიდონია, რომელსაც თავადი ვახტანგი შვილივთ ზრდის. მაგრამ სიდონია მაღლობის მაგიერ ბოროტებას ჩაიდენს, როცა შეიტყობს სო-

ფიოსა და ლევანის სასიყვარულო ამინდან ბავს. ლევანის შესანარჩუნებლად დამდგრადება შევეტის თავიდან მოიშოროს სოფიო და შეყალში გადააგდებს. როცა ფიქრობს, რომ უველაფერი კარგად დამთავრდა, ლევანიც და ქონებაც მას დარჩება, ამ დროს სოფიოც გამოჩნდება და გამოაშკარავდება სიდონიას ბოროტმოქმედებაც. მწერალმა სიდონია სულმდაბალ, უმაღურ იდამიანად გამოიყვანა. მას დაუკირისპირა თავადის ასული სოფიო — კეთილშობილების განსახიერება, რომელმაც დასავით შეიყვარა დაუცავი სიდონია. სიკეთესა და ბოროტებას შორის კიდილში სიკეთემ გაიმარჯვა.

პიესაში ძალშე საინტერესოდაა წარმოდგენილი ბატონისა და ყმის ურთიერთობა. მებატონე ზარიბეგ ყმების მოყვარული და მათზე მზრუნველია, ხოლო ყმები თავის მხრივ ბატონის მაღლიერი (ზარიბეგს სურს გლეხი თავის მიწიანად გაანთავისულოს, სწუხს თავისი ყმის ავადმყოფობის გამ). მათ ურთიერთობაში აშეარა ჩანს, ავტორის სიმპათიები მებატონეთა მიმართ. თუმცა, უნდა აღინიშნოს, რომ ეს ურთიერთობები პიესაში ძალშედ არადამაგრებული და ხელოვნურიადა წარმოდგენილი. ის სრულიად ვერ სასახავს ბატონისა და ყმის ურთიერთობას საგლეხო რეფორმის გატარების წინა პერიოდში. 1860 წელს ილია ჭავჭავაძემ დაწერა პოემა „ეპიზო ყაჩალი“, სადაც მხატვრული ხერხებით ნაჩენებია ბატონუმური ურთიერთობების ტრაგიკული ისტორიული სიმართლე. პოემის დაწერილიან სამ წელიწადში (ბ. ჯორჯაძის პიესის დაწერამდე) არსებითად ხომ არაფერი შეცვლილა..

პიესაში საინტერესო ეპიზოდია ვახტანგ ზარიბედისა და მისი მეგობრის თავად ზაალის დიალოგი. ისინი ახალი დროით უკმაყოფილონი ქველ დროს შენატრიიან. მათ საუბარში, ახალისა და ქველი დროების დაპირისპირებაში, კარგად ვლინდება მწერლის პოზიცია, მისი მსოფლმხედველობა. მეგობრები ერთმანეთს შესჩივიან, რომ თანამედროვე ცხოვრებამ დაკარგა „მეგობრუ-

ლი სიყვარული. შეურყვნელი სინიდისი და მტკიცე სარწმუნოება“². ვახტანგი კატეგორიული წინააღმდეგია ახალგაზრდების საზღვარგარეთ სწავლისა, რომლებიც „ფიქტით თავს იქლექებენ. რაც ეკრძაპაში გვინახავს, რატომ ის ცხოვრება არა გვაქვს“. აბა, ჩვენ სიმღიდოით სად დავვდარებით იმათ. ევროპიულების მიბარება რას გამოვგადება, დავიღუპებით“²² ზალს კი არ მოსწონს, როცა ახალგაზრდა ფულის უქონლობის გამო მამა-პაპისულ თოფ-იარას აგირავებს და კარგავს. „უწინ ჩვენგანს ფული რომ გაუჭირდებოდა, მაშინვე ნათესავი ან მეგობარი სიამოვნებით ხელს გავვიმართოდა“.

ძველის პატივისცემას ასწავლის ვახტანგი თავის ქალიშვილს — სოფიოს, ახალი თაობის წარმომადგენელს. მეგობრების საუბარი ნოსტალგია წარსულზე. ბ. გორგაძეც მოელი თავისი მრჩმისით ძეველი დროების მოტრფიალე და მისი აქტიური დამცავლი იყო. მას უჭირდა ახალთან შეგუება. ამის შესახებ გულისტყოფილით წერდა: „ნათლად ვხედავთ, წარსულა, ვანმჯრალა, ფერფლიც აღარ იპოვება ძეველის ყოფილებისა, მათ წინაპართა თანავე დაგვიკარგავს, ცარიელი სურვილიდა მოგონებისა ჩვენს სამწუხაროდ“²³.

პიესა „შური“ 1862 წელს 17 თებერვალს წარმოადგინეს სცენისმოყვარებმა სახაზინო თეატრში საქველმოქმედო მიზნით. მასთან დაკავშირებით გან „ცისკარი“ იუწევებოდა: „ამ ჩვენმა მწერალმა ქილმა ჩვენს ლიტერატურას აჩვეუ მახვილგონივრულად დაწერილი დრამა, სადაც გამოყვანილია ყოველი ჩვეულება ახლანდელი საუკუნისა“²⁴. აღსანიშნავია, რომ ამ პიესაში ქალების როლს თამაშობდნენ მამაკაცები თ. მანაბელი და უფ. სარქისოვი, რომლებიც უქალებში ძნელად გასარჩევნი იყვნენ“. ეს ის პერიოდია, როცა ქალები ვერ ბედიდნენ სცენაზე გამოსვლის და „ყველა სირცევილზედა სდებდა თავს“. წარმოდგენიმ კარგად ჩაიარა. არ ცხრებოდა ტაშისკრა და აყიოტავი მწერლის მისამართით და ლოჟაში მჯდომი

ავტორი „სანამ არ წამოდგა ფარცხულა დაუხადა მადლობა თავის დაჭრისა, მაგრა გაწვეტილა ტაშისკრა და ძახილია“. ამ მწირი ინფორმაციის მიხედვით ძნელია შეჯელობა საერთოდ სპექტაკლის შესახებ, მაგრამ ფაქტია, რომ მას მაყურებლის მოწოდება დაუმსახურება.

1881 წელს ქუთაისში სცენისმოყვარეთა მიერ განხორციელდა ბ. გორგაძის ისტორიული დრამა „მშენებერი კეკელა“, რომელიც ავტორმა თავის ძმას რაფიელ ერისთავს უძღვნა. ასესბობს პიესის რამდენიმე ვარიანტი. დრამის სიუჟეტი ავტორს ლეგენდებიდან უსესხებია. აქ შე-18 საუკუნის ისტორიული მიმენტებია ასახული, პარალელურად კი გარსევანისა და კეკელის სასიყვარულო ამბავი. გარსევანი ქვეყნის თავისუფლებას ეწირება, კეკელი კი ირანელებს შეპთან მიჰყავთ. პიესაში ზოგიერთი ეპიზოდი დამაჯერებლობას მოკლებულია — (მაგ. გარსევანის მიერ კეკელის გამოხსნა, კეკელის გამოშევა შეასის ნებით, ყიზილბაშების შემოხევა და სხვა), ამიტომაც გაზ. „შრომაში“ გამოქვეყნებულ რეცენზიაში ავტორმა პიესის შინაარსი დაწერა. რადგანაც დრამაში არ იგრძნობოდა ისტორიული ფაქტების ცოდნა, ის, რომ „სულთანია და ყაინს ძეველად ჩვენის მეფებისა და თავადების ქალები მიჰყავდათ, სავმაო არ უნდა ყოფილიყო დრამის შესაღენადა“²⁵. შენიშვნა პრინციპული ხასიათისაა. ისტორიული დრამების შესახებ ცნობილია ილიას მეაცრი წერილი „ახალი დრამების გამო“, სადაც ილია მოუწოდებს დრამის დამწერ ავტორებს ისტორიის ღრმა ცოდნას, გონება გახსნილობას, დიდ სიფრთხილეს, რადგან ჩვენს ისტორიულ წარსულზე არასწორ შეხედულებათა სცენისრი პროპაგანდა დიდ და სახიფათო იყო.

მიუხედავად პიესის სუსტი მხარეებისა, ის მაინც შესაძლოა ჩაითვალოს ერთგვარ წინამორბედადაც დრამის თეატრის განვითარებაში. ეს პიესა 1880 წელს დაწერა, სწორედ მაშინ, როცა ეს უარი ფეხს იყიდებდა ქართულ თე-

ატრში. დ. ერისთავის „სამშობლო“ კი
1882 წელს დაიდგა.

ბ. ჭორჯაძის „მკითხავის“ დადგმაც
1877 წელს განუზრახავთ თელაველ ან-
ალგაზრდებს. „მკითხავში“ ავტორმა
ნამდვილი ამბავი გამოიყენა. მკითხაობა
საქართველოში, განსაკუთრებით სოფ-
ლებში ერთ-ერთი ყველაზე გავრცე-
ლებული პროფესია იყო, როგორც მა-
ჭანკლობა. პიესის მთავარი პერსონაჟია
მკითხავი თინა, რომელმაც ეკონომიკური
გაჭირვებიდან გამოსავალის არასწორი
გზა აირჩია. ის ტყუებს სოფელს, ცრუ-
რწმენას აყოლილ ხალხს კი სჭერა მი-
სი. პიესის ფინალში მწერალი ამხელს
მას და სააშეაროზე გამოაქვს მისი ფა-
რისევლური ბუნება.

ამ პიესის დადგმის შესახებ ვიცით
შემოლოდ ის, რომ კ. ყიფიანს გამ.
„დროების“²⁶ ფურცელებზე გამოუქვეყ-
ნებია ქართული თეატრის რეპერტუა-
რის სია, სადაც „მკითხავიც“ იყო შე-
ტანილი. თუმცა ზუსტად სად და რო-
დის დაიდგა, ამის შესახებ მასალები არ
მოიპოვება. ასევე არაფერი ვიცით ვო-
დევილ „სარკით მოტყუების“ დადგმის
შესახებ. პიესაში ასახულია ჩარჩ-ვაჭ-
რების თემა. მწერალი უარყოფით და-
მოკიდებულებას ივლენს მათი ეგოის-
ტური მიზნებისადმი. „პიესაში საინტე-
რესოდაა გამოხატული ჩარჩ-ვაჭრის
ასატურას პორტრეტი. ამით ერთი კი-
დევ ემატება იმ პორტრეტებს, რომელ-
იც აღრე დაგვისურათა გ. ერისთავმა
და ზ. ანტონოვმა“.²⁷

ბ. ჭორჯაძე არ ყოფილა წამყვანი ფი-
გურა ქართულ დრამატულ მწერლობა-
ში. იგი ხშირად კრიტიკის ობიექტიც
იყო, მაგრამ მიუხედავად მისი შემოქმედ-
ების ნიულოგანი მხარეებისა, რასაც ალ-
ნიშნავდნენ კიდეც იმ პერიოდის თეატ-
რალური მოღვაწენი (ს. მესხი, ვ. გუნია,
დ. ერისთავი და სხვები) მაინც მხარს
უჭერდნენ მისი პიესების დადგმას ქა-
რთულ სცენაზე, სადაც კიდევ ერთხელ
გამობრწყინდნენ ქართული სცენის დი-
დოსტატები ვასო აბაშიძე, მაქო საფა-
როვა, ნატო გაბუნია და სხვები.

1. გამ. „ივერია“, 1889, № 63.
2. გამ. „ცნობის ფურცელი“, 1898, № 703.
3. ა. წერეთელი, „განსაკუნძული“, ეცრ. „ეკა-
ლი“, 1893, № 14.
4. გამ. „ივერია“, 1889, № 63, 23 მარტი.
5. ქ. ირემაძე. ეცრ. „მნათობი“, 1945, № 5.
6. ეცრ. „ცისქაზი“, 1861, № 1.
7. ბ. ჭორჯაძე. რჩეული თხზულებანი. თბ., 1988, გვ. 125.
8. მ. დემურია. „მოგონებანი“, გამ. „ივერია“, 1895, № 77.
9. გამ. „დროება“, 1868, № 12.
10. გამ. „ივერია“, 1895, № 77.
11. შ. რადიონი. ახალი ქართული ლიტერა-
ტურა (წიგნი პირველი). თბ., 1952, გვ. 280.
12. ა. ცაგარელი. ი. გრიშაშვილის რედაქ-
ციით, ფილერაცია, 1936, გვ. 10.
13. იქვე.
14. ბ. ჭორჯაძე. რჩეული თხზულებანი, თბ., 1988, გვ. 212.
15. ვ. გუნია. გამ. ხელოვნება, თბ., 1953, წი-
გნი II, გვ. 114.
16. გამ. „დროება“, 1879, № 182, 4 ენერნი-
თვე.
17. გამ. „დროება“, 1879, № 250.
18. იქვე.
19. გამ. „დროება“, 1880, № 217.
20. გამ. „ივერია“, 1886, № 228.
21. იქვე.
22. ბ. ჭორჯაძე. რჩეული თხზულებანი, თბ., 1988, გვ. 157.
23. ბ. ჭორჯაძე. რჩეული თხზულებანი, გვ. 121.
24. ცისქაზი, № 1862, № 2.
25. გამ. „შრომა“, 1881, № 16.
26. გამ. „დროება“, 1876, № 22.
27. ამბერი გაჩერილია. ნარკვევები XIX ს.-
ის ქართული დრამატურგიისა და თეატრის ის-
ტორიდან. 1957. გვ. 303.